



Inatsisartunut ilaasortaqa Aqqaluaq B. Egede, Inuit Ataqaatigiit
Inatsisartut Allattoqarfiat
/Maani

Immikkut siunnersortit pillugit § 37 naapertorlugu apeqput nr. 64-ip akineqarnera

Asasara Aqqaluaq B. Egede,

17-03-2015
Sags nr. 2015-112495
Dok. nr.

Postboks 1015
3900 Nuuk
Tlf. (+299) 34 50 00
Fax (+299) 32 50 02
E-mail: govsec@nanoq.gl
www.naalakkersuisut.gl

Inatsisartut suleriaasianni § 37 naapertorlugu Naalakkersuisunut ilaasortat immikkut siunnersortaannik atorfinitsitsisarneq akissarsiaqartitsisarnerlu pillugit kaajallaasitaq pillugu Naalakkersuisunut apeqquteqaatigaat. Apeqqutit uannut akisassanngorlugit innersuunneqarsimapput.

Apeqqutigineqartunut akissutigisakka tullerriiarlugit ataani takuneqarsinnaapput.

Apeqqut:

Naalakkersuisut politikikkut siunnersortigisaat nunatsinni sulisartut amerlasuut piumaffigineqartarnerat assigalugu pinerlussimannginnermik uppernarsaammik tunniussisimanissaminnik piumaffigineqartussaappat?

Akissut:

Naalakkersuisut ilaasortaannut massakut Naalakkersuisuusunut immikkut siunnersortinik atorfinitsitsisimanerit Naalakkersuisunut ilaasortat immikkut siunnersortaannik atorfinitsitsisarneq akissarsiaqartitsisarnerlu pillugit kaajallaasitaq 1. januaari 2014-imeersoq naapertorlugu pisimapput. Kaajallaasitami immikkut siunnersortinik atorfinitsitsinermi maleruaqqusat isiginiarneqartussat takutinneqarput.t. Atorfinitsitsinissaq sioqqullugu piukkunneqartut pineqaatissinneqarsimannginnermik uppernarsaammik pisussaaffilerlugu piniartarnissaq pillugu kaajallaasitaq imaqaangilaq.

Apeqqut:

Imaluunniit imaappa, Politikikkut siunnersortit pinerluuteqarsimasut aamma naalakkersuisoqarfinni sulisinnaalersinneqarlutik?

Akissut:

Qulaani akissutigisara innersuussutigissavara.

Apeqquut:

Taamaanngippat iliuitsit suut naalakkersuisunit iliuuserineqarsimappat?

Akissut:

Soorlu § 37 naapertorlugu apeqquutigineqartup nr. 62-ip Inatsisartuni ilaasortamut Randi Vestergaardimut Demokraatineersumut akissuteqarninni takuneqarsinnaavoq immikkut siunnersortinik atorfinitsitsinermi malittarisassanik ingerlatsiinnarnissaq pillugu kissaateqarnerput Naalakkersuisuni oqallisigineqarnerani Naalakkersuisut aalajangerput immikkut siunnersorteqartarnermut apeqquut unitsikkallarnejassasoq, kaajallaasitarlu eqqarsaatigeqqinneqartariaqartoq.

Apeqquut:

Pinerluuteqarsimannnginnissaq naalakkersuisuniit pingaartinneqarsimappat qanoq pingaartitsineq timitalerneqarsimava?

Akissut:

Qulaani akissutigisara innersuussutigissavara.

Apeqquut:

Politikikkut siunnersortitut atorfeqartut tamakkerlugit qinigaaffik atuuttoq tamakkerlugu ingerlassagunik piffissami pineqartumi qanoq aningaasartuuteqarfigineqassappat?

Akissut:

Soorlu kaajallaasitami taaneqartumi § 1-imi takuneqarsinnaasoq siumut oqaatigereerneqarsinnaaneq ajorpoq Naalakkersuisunngortut immikkut siunnersortinik qassinik atorfinitsitsissanersut. Taamaalilluni apeqquummi kissaatigineqartutut qanoq aningaasartuuteqartoqartiginissaa siumut naatsorsorneqarsinnaaneq ajorpoq. Taamaakkaluartoq nalunaarutigisinnaavara, soorlu kaajallaasitami takuneqarsinnaasoq, immikkut siunnersortit allaffimmi pisortamut akissarsiatigut pensionisiassatigullu atugassarititaasut assigalugit atorfinitsinneqartussaavoq. Taakkununga ilaapput assersuutigalugu atorfimmut atatillugu angalanermut, allaffeqarnermi aningaasartuutit il.il.. Immikkut siunnersortimut ukiumut akissarsiatigut pensionisiassatigullu aningaasartuutit 620.000 kr.-nit missaanniittussaapput.

Oqaaseqaatit taakku atorlugit neriuppunga apequtigineqartunut akissutikka
naammagisimaassagilit.

Inussiarnersumik inuulluaqqusilluta



Kim Kielsen